

**Katersugaasiveqarneq pillugu Inatsisartut
peqquussutaata allannguuteqartinneqarnissaa pillugu
Inatsisartut peqqussutaat (Naalagaaffeqatigiit
Naalagaaffiit Peqatigiit Imaq pillugu inatsisinik
atuutsitsineq pillugu isumaqatigiissutaannik 10.
december 1982-imeersumik
atortussanngortitsinerisa kingunerisaanik
allannguutit)**

§ 1

Katersugaasiveqarneq pillugu Inatsisartut peqqussutaat nr. 6, 30. oktober 1998-imeersumi imatut allannguisoqarpoq:

1. § 24-p kingorna ilanngunneqassaaq:

"§ 24a. Qangersuarnitsat nassaarineqartut, tassunga ilaallutik umiarsuit umiiarnerit, umiarsuit userisimasaat sinnikullu umiarsuit umiiarnerinit pisut ukiut untritillit sinnerlugit annaaneqarsimasorisatut naatsorsuuttariaqartut, immap itisoortaani Kalaallit Nunaanni aalajangersimasumik akunnikkallarlutilluunniit najugaqartunit Danmarkimi innuttaasunit imaluunniit Danmarkimi nalunaarsorneqarsimasutut Kalaallit Nunaanni inissisimaffeqartumit umiarsuarmit nassaarineqartut, nunat allat inuit ataasiakkaalluunniit piginnittuunertik uppersarsinnaanngippassuk, imm. 2 naapertorlugu Namminersornerullutik Oqartussanit pigineqartuupput.

Imm. 2. Immap itisoortaataut eqqaaneqartoq imatut paasineqassaaq tassaasoq immap naqqa tamatumalu nunataata ataa naalagaaffiup oqartussaaffiata killeqarfiata avataaniittuusoq.

Imm. 3. Imm. 1 naapertorlugu nassaat ingerlaannartumik Nunatta Katersugaasivianut nalunaarutigineqartassapput.

Imm. 4. Immap naqqani kulturikkut eriagisassat, Namminersornerullutik Oqartussanit, Kalaallit Nunaanni aalajangersimasumik akunnikkallarlutilluunniit najugaqartunit Danmarkimi innuttaasunit inatsisillu naapertorlugit inunnit Kalaallit Nunaanni najugaqartunit pigineqartut pissusii Naalakkersuisut akuersiteqqaarnagit allanngortinneqaaqsaanngillat, takuuk imm. 1. Immap naqqani kulturikkut eriagisassanik allanit pigineqartunik Kalaallit Nunaanni aalajangersimasumik akunnikkallarlutilluunniit najugaqartut Danmarkimilu innuttaasut inatsisillu naapertorlugit inuit Kalaallit Nunaanni najugaqartut, pineqartunit akuerineqaaqqaaratik allannguisussaanngillat imaluunniit allannguititsiniartussaanngillat.

Imm. 5. Imm. 1 naapertorlugu Namminersornerullutik Oqartussanit pigineqartunik nassaanik qaqitsisoq

nassaanillu taamaattunik tigummisaqalersoq nassaaminik ingerlaannartumik Nunatta Katersugaasivianut tunniussissaaq. Qaqitsisoq nassaarnermini akissarsitsinneqarnissamik piumasaqarsinnaanngilaq.

Imm. 6. Qangarsuarnitsat nassaarineqartut, tassunga ilanngullugit umiarsuit umiarnernerit, umiarsuarnut usiusimasut ukiut untritillit inorlugit annaaneqarsimasorisat, imm. 1-imi aalajangersakkamut ilaatinneqarsinnaasut Naalakkersuisut aalajangersinnaavaat.

Imm. 7. Imm. 3-6-imi pissutsit taaneqartut pillugit Naalakkersuisut erseqqinnerusunik malittarisassanik aalajangersaasinnaapput."

2. § 25-imi, imm. 2-mi uniffittut 2-tut ilanngunneqarput:

"1-imi aalajangersagaq § 24a, imm. 1-imi taaneqartuni nassaanut atuutissanngilaq, aamma taamatut atuupput § 24a, imm. 6 aamma 7 naapertorlugit aalajangersakkat."

3. § 33-mi "24"-p kingornagut ikkunneqassaaq: "24a, imm. 3-5"

4. § 33-mi imm. 3-tut ilanngunneqassaaq:

"Imm. 3. Inatsisartut peqqussutaat una naapertorlugu malittarisassani saqqummiunneqartuni, aalajangersakkanik unioqqutitsisoqartillugu akiilisussanngortitsisinnaaneq pillugu malittarisassaliortoqarsinnaavoq".

§ 2

Inatsisartut peqqussutaat 1. juni 2004-mi atuutilissaaq, atuuttuussallunilu immap naqqani kulturikkut eriagisassat pissusiisa allannguutaannut tunngatillugu, taakkununga ilaallutik piffissap tamatuma kingorna nassaat qaqinneqartut.

Namminersornerullutik Oqartussat, ulloq 21. maj 2004

Hans Enoksen

/

Henriette Rasmussen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut